

ლანჩხუთის მუნიციპალიტეტის საკრებულოს
„იურიდიულ საკითხთა და ეთიკის“ კომისიის

სხდომის ოქმი N1

ქ. ლანჩხუთი

22.02.2024 წელი

12:00 საათი

სხდომას უძღვებოდა: „იურიდიულ საკითხთა და ეთიკის“ კომისიის თავმჯდომარე, გიორგი ხელაძე.

სხდომას ესწრებოდნენ კომისიის წევრები: ია მოქია, დარეჯან ბურჭულაძე, ნინო მშვიდლობაძე კარლო წილოსანი და მაკა მშვიდლობაძე.

არ ესწრებოდა: კახა ასკურავა.

სხდომას ასევე ესწრებოდნენ მოწვეული სტუმრები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი **როლანდ ლაშხია**, მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსი **ვარდენ კვაჭაძე** და ლანჩხუთის მუნიციპალიტეტის მერიის ინფრასტრუქტურის, სივრცითი მოწყობისა და ეკონომიკის სამსახურის უფროსის მოვალეობის შემსრულებელი ალექო კირვალიძე. საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში: **ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ია ზარამიძე**.

სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: როლანდ ლაშხია; გიორგი ხელაძე/

2. „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის

ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: ვარდენ კვაჭაძე; გიორგი ხელაძე/

3. „ლანჩხუთის მუნიციპალიტეტის 2024 წელს განსახორციელებელი ინფრასტრუქტურული პროექტების მოწონების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ალექო კირვალიძე; გიორგი ხელაძე/

დღის წესრიგის პირველი საკითხი: „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის შესახებ ისაუბრა მერიის საფინანსო-საბიუჯეტო სამსახურის უფროსმა **როლანდ ლაშხიაშვილმა**. მან წარმოადგინა განმარტებითი ბარათი 2024 წლის ლანჩხუთის მუნიციპალიტეტის ბიუჯეტში შესატან ცვლილებებთან დაკავშირებით კერძოდ;

საქართველოს მთავრობის 2023 წლის 28 დეკემბრის N 2402 განკარგულებით საქართველოს რეგიონებში განსახორციელებელი პროექტების ფონდიდან ლანჩხუთის მუნიციპალიტეტს გამოეყო 2 100 000 ლარი, ადგილობრივი ბიუჯეტიდან თანადაფინანსებით უნდა მიიმართოს 110527 ლარი, სულ პროექტების ღირებულება შეადგენს 2210527 ლარს. აქედან, ქალაქ ლანჩხუთში გურიელის, ნინოშვილის, ურუშაძისა და ყაზბეგის ქუჩების რეაბილიტაციაზე 1157895 ლარი, მათშორის რეგ.ფონდიდან 1100000 ლარი; ჩოჩხათი-არჩელის დამაკავშირებელი გზის რეაბილიტაცია 1052632 ლარი, მათშორის რეგ.ფონდიდან 100000 ლარი.

საქართველოს მთავრობის 2023 წლის 28 დეკემბრის N 2401 განკარგულებით საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში გამოეყო 748000 ლარი.

საქართველოს მთავრობის 2024 წლის 15 იანვრის N56 განკარგულებით ლანჩხუთის მუნიციპალიტეტს გამოეყო საჯარო სკოლების მოსწავლეთა ტრანსპორტირებისათვის 1451720,62 ლარი.

საქართველოს მთავრობის 2023 წლის 28 დეკემბრის N 2400 განკარგულებით სტიქიის შედეგების სალიკვიდაციო ღონისძიებების განსახორციელებლად ლანჩხუთის

მუნიციპალიტეტს გამოეყო 221000 ლარი, რომელიც მიიმართება სოფ. ქვიანში სანიაღვრე არხების მოწყობა-რეაბილიტაციაზე.

ზემოთ აღნიშნულ განკარგულებაში მიმდინარე წლის 14 თებერვლის საქართველოს მთავრობის N184 განკარგულებით შესული ცვლილებით მუნიციპალიტეტს დამატებით გამოეყო სტიქიის შედეგების სალიკვიდაციო ღონისძიებების განსახორციელებლად 600000 ლარი, რომელიდანაც მოსახლეობისათვის თუნუქის სახურავის და ხის მასალის შემენისათვის მიიმართება 425700 ლარი, ქ.ლანჩხუთში სამუსიკო სკოლის, აღმაშენებლის I ჩიხის ბინა 3-ის, საფო მგელაძის ქ. N53-ის და სუფსის ადმ.ერთეულში მრავალბინიანი სახლის სახურავის რეაბილიტაციაზე 174300 ლარი.

წინა წლებში საქართველოს მთავრობის განკარგულებით მუნიციპალიტეტისათვის გამოყოფილი თანხებიდან აუთვისებელი თანხები, რომელიც 2024 წლის 1 იანვრის მდგომარეობით ბიუჯეტში ირიცხება ნაშთად და უნდა გაიხარჯოს მიზნობრივად, კერძოდ: საქართველოს მთავრობის 2023 წლის 20 იანვრის N116 განკარგულებით გამოყოფილი თანხა 1000010,65 ლარი უნდა მიიმართოს: საცხოვრებელი და არასაცხოვრებელი შენობის ექსპლოატაცია რეაბილიტაციაზე 37323,62 ლარი, გზების კაპიტალურ შეკეთებაზე 713216,07 ლარი, სარწყავი არხების და ნაპირსამაგრი ნაგებობების მოწყობა რეაბილიტაციაზე 249470,96 ლარი.

2023 წლის რეგიონალური ფონდიდან გამოყოფილი თანხით ქ.ლანჩხუთში განხორციელებული ქუჩების რეაბილიტაციაზე ადგილობრივი ბიუჯეტის ნაშთიდან თანადაფინანსებაზე მიიმართოს 86177,07 ლარი.

საქართველოს მთავრობის 2018 წლის 31 დეკემბრის N2577 განკარგულებით გამოყოფილი თანხა 260647,67 ლარი მიიმართოს წყალმომარაგების სისტემის რეაბილიტაციაზე.

ტურიზმის განვითარების ხელშეწყობისათვის საქართველოს მთავრობის 2021 წლის 16 აგვისტოს N1419 განკარგულებით სახელმწიფო ბიუჯეტიდან მიიმართოს 576656,48 ლარი, ადგილობრივი ბიუჯეტიდან 225710,25 ლარი.

საქართველოს მთავრობის 2023 წლის 23 იანვრის N147 განკარგულებით გამოყოფილი 59273,91 ლარი მიიმართოს საჯარო სკოლების მოსწავლეთა ტრანსპორტირებისათვის.

საქართველოს მთავრობის 2022 წლის 29 დეკემბრის N2476 განკარგულებით გამოყოფილი თანხა 30399,89 ლარი მიიმართოს სოფლის მხარდაჭერის პროგრამებზე.

საქართველოს მთავრობის 2023 წლის 29 სექტემბრის N1740 განკარგულებით გამოყოფილი თანხებიდან 129809 ლარი მიიმართოს სტიქიით დაზიანებული გზების გაწმენდითი სამუშაოების განხორციელებისათვის ტექნიკის დაქირავებაზე, 72031 ლარი მიიმართოს სტიქიით დაზიანებული მოსახლეობის სასტუმროს მომსახურების ხარჯების დაფინანსებაზე.

ჟორდანას ქუჩაზე საფეხმავლო ბილიკების (შშმ პირებზე) ადაპტირების სამუშაოებზე ადგილობრივი ბიუჯეტის ნაშთიდან მიიმართოს 92165,61 ლარი.

სუფსის მუსიკალური სკოლის რეაბილიტაციაზე ადგილობრივი ბიუჯეტის ნაშთიდან მიიმართოს 194622 ლარი.

ოჯახების სოციალურ-ეკონომიური გაძლიერების მხარდაჭერის პროგრამაზე სხვა ხარჯების მუხლიდან მიიმართოს (კლასიფ. მუხლი 2.8) 70617,90 ლარი.

საპროექტო დოკუმენტაციისა და საექსპერტო მომსახურების შესყიდვის არაფინანსური აქტივების მუხლი გაიზარდოს 150000 ლარით.

მერიის არაფინანსური აქტივების მუხლი გაიზარდოს 60952 ლარით.

ა(ა)იპ საფეხბურთო სკოლის საქონელი და მომსახურების მუხლის დაფინანსება გაიზარდოს 4900 ლარი.

ა(ა)იპ სპორტულ ცენტრის საქონელი და მომსახურების მუხლის დაფინანსება გაიზარდოს 4900 ლარი.

აღნიშნული ღონისძიებების დაფინანსება განხორციელდება მუნიციპალიტეტის ბიუჯეტის თავისუფალი ნაშთის ხარჯზე.

შეთანხმების საფუძველზე მუნიციპალიტეტის 2024 წლის ბიუჯეტის ხარჯების დაფინანსებაზე მიმართული იქნა ფინანსური დახმარება 1100000 ლარი.

საქართველოს მთავრობის 2023 წლის 25 დეკემბრის #2324 განკარგულებით გამოიყო ფინანსური დახმარება 1000000 ლარი, რომელიც ჩამოირიცხა 2023 წლის 28 დეკემბერს და აისახა ბიუჯეტის ნაშთში. ზემოთ აღნიშნულიდან გამომდინარე შემცირდეს 2024 წლის ბიუჯეტის შემოსავლები 1100000 ლარით და ხარჯების დაფინანსება განხორციელდეს ბიუჯეტის თავისუფალი ნაშთიდან 1100000 ლარის ოდენობით.

ა(ა)იპ კეთლმოწყობისა და მომსახურების ცენტრს დამტკიცებული ასიგნების ფარგლებში საქონელი და მომსახურების (03 01) მუხლის 112000 ლარის და მუნიციპალური ტრანსპორტის (02 07) საქონელი და მომსახურების ხარჯის 7250 ლარით შემცირების ხარჯზე, გაიზარდოს არაფინანსური აქტივების მუხლი 100000 ლარით, შტატით მომუშავეთა ანაზღაურების მუხლი 19250 ლარით.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

მომხრე 5; წინააღმდეგი არც ერთი.

დღის წესრიგის მეორე საკითხი: „ლანჩუთის მუნიციპალიტეტის ტერიტორიაზე არსებული სახელმწიფო და ლანჩუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩუთის მუნიციპალიტეტის საკრებულოს დადგენილების პროექტი სხდომას გააცნო მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსმა ვარდენ კვაჭაძემ მისი განმარტებით, „სახელმწიფო და ადგილობრივი თვითმმართველი ერთეულის საკუთრებაში არსებული არასასოფლო-

სამეურნეო დანიშნულების მიწის ნორმატიული ფასის განსაზღვრის წესის დამტკიცების შესახებ“ საქართველოს პრეზიდენტის 2013 წლის 10 ოქტომბრის N 784 ბრძანებულების პირველი მუხლის მე-2 პუნქტის შესაბამისად, მიწის ნორმატიულ ფასს საბაზრო ღირებულების გათვალისწინებით წელიწადში ერთხელ, არა უგვიანეს ყოველი წლის თებერვლისა, ადგენენ შესაბამისი ადგილობრივი თვითმმართველი ერთეულის წარმომადგენლობითი ორგანოები – საკრებულოები. საქართველოს ორგანული კანონის „ადგილობრივი თვითმმართველობის კოდექსი“ 24-ე ნაწილის „ე“ პუნქტის „ე.გ“ ქვეპუნქტის შესაბამისად კი, საკრებულოს უფლებამოსილებას მიეკუთვნება საქართველოს მთავრობის მიერ დადგენილი წესით მუნიციპალიტეტის საკუთრებაში არსებული მიწის ნორმატიული ფასის დადგენა.

აღნიშნულიდან გამომდინარე, მერიის ადმინისტრაციული და სამართლებრივი უზრუნველყოფის სამსახურის, სამართლებრივი უზრუნველყოფის განყოფილების მიერ, მომზადდა ზემოაღნიშნული სამართლებრივი აქტების პროექტები. ამასთანავე, ამავე დადგენილებითვე ძალადაკარგულად უნდა გამოცხადდეს „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს 2023 წლის 22 თებერვლის №7 დადგენილება.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

მომხრე 5; წინააღმდეგი არც ერთი.

დღის წესრიგის მესამე საკითხი: „ლანჩხუთის მუნიციპალიტეტის 2024 წელს განსახორციელებელი ინფრასტრუქტურული პროექტების მოწონების შესახებ“ ლანჩხუთის მუნიციპალიტეტის საკრებულოს განკარგულების პროექტი სხდომას გააცნო ლანჩხუთის მუნიციპალიტეტის მერიის ინფრასტრუქტურის, სივრცითი მოწყობისა და ეკონომიკის სამსახურის უფროსის მოვალეობის შემსრულებელმა **ალეკო კირვალიძემ**, მან აღნიშნა, რომ „სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტებიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის №23 დადგენილების შესაბამისად განსახილველად და მოსაწონებლად წარმოგიდგინებ ზემოთ აღნიშნული ფონდიდან 2024 წელს დასაფინანსებელი პროექტების ნუსხას:

1. ქ. ლანჩხუთში სპორტული დარბაზის მშენებლობა - 2900000 ლარი.
2. ქ. ლანჩხუთში ჟორდანას ქუჩაზე N114-ში მრავალბინიანი საცხოვრებელი სახლის საძირკვლის რეაბილიტაცია - 144000 ლარი.

სულ ჯამი შეადგენს - 3 044 000 ლარს.

ალეკო კირვალიძემ ასევე აღნიშნა, რომ დარბაზი იქნება მრავალფუნქციური, რომელიც შეესაბამება თანამედროვე სტანდარტებს, სადაც იქნება 2 დარბაზი. ერთი დარბაზი იქნება დიდი, სადაც ჩატარდება სხვადასხვა სახის შეჯიბრებები, ხოლო მეორე დარბაზი შედარებით მცირე. პროექტი არის საჩუქარი მუნიციპალიტეტისთვის და მიმდინარე წელს დაიწყება მშენებლობა.

კომისიის თავმჯდომარე დაინტერესდა რამდენი მაყურებლის ადგილი იქნება დიდ დარბაზში, ალეკო კირვალიძის განმარტებით დარბაზი იქნება 250 მაყურებელზე გათვლილი.

საკითხის ირგვლივ კომისიის წევრების მიერ სხვა შენიშვნები არ გამოთქმულა.


მომხრე 5; წინააღმდეგი არც ერთი.

სხვადასხვა: ფრაქცია ქართული-ოცნება დემოკრატიული საქართველოს თავმჯდომარემ ია მოქიამ აღნიშნა, რომ ქუჩებისთვის აბრების დასამზადებელი თანხა ბიუჯეტში ჩადებულია. გიორგი ხელაძემ აღნიშნა, რომ იგი კომისიის წევრებთან ერთად კიდევ ერთხელ იმყოფებოდა გრიგოლეთში მე-2 და მე-6 ქუჩებისთვის ნოდარ დუმბაძის სახელის მინიჭების საკითხთან დაკავშირებით, ისინი შეხვდნენ მოსახლეობას. აღნიშნული საკითხი კომისიას განხილული აქვს გასული წლის ოქტომბრის თვეში.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს „იურიდიულ

საკითხთა და ეთიკის“ კომისიის თავმჯდომარე



/გიორგი ხელაძე/

**ლანჩხუთის მუნიციპალიტეტის საკრებულოს იურიდიულ
საკითხთა და ეთიკის კომისიის სხდომის
დასკვნა №1**

**22.02.2024 წელი
12.00 საათი**

მიმდინარე წლის 22 თებერვალს მოწვეულ იქნა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისია.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: როლანდ ლაშხია; გიორგი ხელაძე/

2. „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებელი: ვარდენ კვაჭაძე; გიორგი ხელაძე/

3. „ლანჩხუთის მუნიციპალიტეტის 2024 წელს განსახორციელებელი ინფრასტრუქტურული პროექტების მოწონების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვა.

/მომხსენებელი: ალექო კირვალიძე; გიორგი ხელაძე/

4. სხვადასხვა საკითხები.

დღის წესრიგის პირველი საკითხი: „ლანჩხუთის მუნიციპალიტეტის 2024 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2023 წლის 22 დეკემბრის N22

დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებული იქნა შენიშვნების გარეშე.

მომხრე: 5

წინააღმდეგი: 0

დღის წესრიგის მეორე საკითხი: „ლანჩხუთის მუნიციპალიტეტის ტერიტორიაზე არსებული სახელმწიფო და ლანჩხუთის მუნიციპალიტეტის საკუთრებაში არსებული არასასოფლო-სამეურნეო დანიშნულების მიწის ნორმატიული ფასის დადგენის შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებული იქნა შენიშვნების გარეშე.

მომხრე: 5

წინააღმდეგი: 0

დღის წესრიგის მესამე საკითხი: „ლანჩხუთის მუნიციპალიტეტის 2024 წელს განსახორციელებელი ინფრასტრუქტურული პროექტების მოწონების შესახებ“ ლანჩხუთის მუნიციპალიტეტის საკრებულოს განკარგულების პროექტის შესახებ შენიშვნები არ გამოთქმულა.

მომხრე: 5

წინააღმდეგი: 0







ლანჩხუთის მუნიციპალიტეტის საკრებულოს „იურიდიულ
საკითხთა და ეთიკის“ კომისიის თავმჯდომარე



/გიორგი ხელაძე/

ლანჩხუთის მუნიციპალიტეტის საკრებულოს "იურიდიულ საკითხთა და ეთიკის
კომისიის" წევრთა დასწრების სარეგისტრაციო ფურცელი

22.02.2024 წელი
12:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	11:50	
2	ია მოქია	11:56	
3	კახაბერ ასკურავა	სხ ეხნებოვა	
4	მაკა მშვიდლობაძე	12:00	
5	კარლო წილოსანი	11:58	
6	ნინო მშვიდლობაძე	11:56	
7	დარეჯან ბურჭულაძე	11:56	